


棗陽縣志



同治四年重脩

卷之四

重修棗陽縣志序

我

朝法洋恩溥一道同風薄海內外聲教
四訖自通都大邑以及海濱山陬莫
不各有志乘以備輶軒之採所以上
宣德義下達民隱助政教之所不逮
者法至良意至美也第閱時既久而

棗陽縣志

卷首序

未修或已修未幾而復壞抱殘守缺
文獻無徵謂非守土者之責歟頃者
潢池綏靖名上憲以省志亟宜興
修飭各州縣一律開修以紀

聖功而昭法守不佞承乏是邑隨集紳耆
會商籌款延請在籍侍御史君總司
纂校並囑城鄉諸君子分任採訪共



勦盛美未一稔而書成夫志乘之作
非徒鋪張揚厲為一邑之觀美云爾
也其間山川之險易風俗之厚薄戶
口之登耗與夫文教武備之若何而
振興壇廟津梁之若何而修復以及
名宦鄉賢嘉言懿行無一不悉之與
治道相關為政者觀民設教弊去其

太甚利求其可久則前事不遠後事
之師其有裨於政治豈淺鮮哉况棗
邑為東漢發祥之地信敦禮讓人尚
廉節因其勢而利導之行見士食舊
法農服先疇於然與三代媲美以
無負

聖天子禮陶樂泮教養生成人之意則又宰

斯土者之所厚幸也夫同治四年乙

丑仲冬月

誥授奉政大夫同知用知棗陽縣事湖西

宏甫氏張聲正謹序



序

郡邑之有志猶朝廷之有史也古者天子之史太史掌之邦國之史小史外史掌之故列國之風謠皆得以上諸天子所以考文徵獻佐採風之所未及也東陽自康熙十一年邑令劉君嗣煦創脩縣志一帙至乾隆二十

一年廿君定遇踵而輯之始有刊本歷九十餘年道光丁未熊君文鳳重脩未竟至咸豐甲寅陳君子飭而書始成前後六七年間官經數任言不一家傳信傳疑不無遺議頃奉憲檄徵脩志乘當塗以此事推予予忝登甲第濫竽憲臺案筆乃其風分國


不敢以不文辭且息影山林娛情畚
史則述往事思來者揄揚盛美亦士
君子報

國之一端也爰印新舊各志參互改訂
不立異不苟同芟繁補缺惟求一是
並囑同事諸君子分途采访無微不至
闡有美必書凡幾閱月丹鉛告竣昔

范蔚宗刪衆家後漢書為一家之作
自謂體大思精而王喬臆寫左慈羊
鳴史道猶譏其穢僕獨何人能緯履
甄特其搜採必詳改訂必覈好惡必
慎而不私去取必嚴而不濫則又予
之差堪自信者爾敢告輜軒擇芻蕘
焉可也同治四年冬十月

賜進士出身

誥授中憲大夫前掌京畿道監察御史知
直隸廣平府事邑人史策先謙



舊序

今上御極之年方登一紀此於萬斯年之始也

時聲教暨

至於海隅罔不率俾又古今全盛時也乃睠輿圖詔修天下
一統志煌煌乎一代大觀矣何有於邑乘哉雖然天下者邑
之積也合邑而爲府而府志以成合府而爲省而省志以備
合省而爲天下而一統志以全則邑志者固一統志之權輿
乎棗邑僅襄郡一隅地耳昔隸於豫今隸於楚則漢魏以來
更屬也昔爲棘陽今爲棗陽則隋唐以來更名也宋升爲軍
元改爲縣則南渡以後更志也攷之輿志棘陽城爲古謝邑

棗陽縣志

卷首

原序

一

而古蹟尙附南陽與謝城並列此其證矣謝邑之所從來惟
詩大小雅兩見焉我圖爾居莫如南土周先王所以厚親親
之意抑何重歟漢之中葉春陵其發跡區也父老一宴迄今
侈爲美談則葺爾一邑之志又何可少耶然則今之志棗也
將若何曰善奕者必有譜善醫者必有方善致治者必有前
賢之遺矩以爲利弊更張之宜豈虛侈一邑之往事已哉照
承乏春陵今忝五載有愧召穆之營謝多矣竊思正其賦稅
則詩之徹申伯土田者可法也度其高下之宜則詩之原隰
旣平者可法也通其水泉之利則詩之泉流旣清者可法也

法古之營謝者以治棗於以無負

天子敢曰王心則寧也哉若夫作興學校在明萬厯壬子學
田一記備之矣壤也而道德纓也而忠信耕也而仁耨也而
義封畛也而禮經界也而廉恥斯乃學爲良田而士爲嘉禾
矣予也有志而未之逮不敢不勉教養之大庶幾附先賢而
傳遠是則予之願也夫康熙壬子知棗陽縣事劉嗣煦序

舊序

國家休養生息漸仁摩義

列聖相承涵濡煦嫗於百有餘年之久海宇清甯烽煙息滅
聲名文物之盛無閒於荒陬僻壤語曰堯舜之民比戶可封
民生斯世何厚幸也棗邑在春秋爲唐國地在漢爲舂陵侯
國迄建武中改章陵自隋改今名歷千百年而棗陽之名未
更聲名文物史不絕書雖經勝國之末兵燹蹂躪然而人煙
稠密土壤寥濶蓋猶稱襄郡屏翰焉已卯夏四月余由遠安
任蒙大憲卓薦來涖茲土下車之始驗其民風觀其土俗思

棗陽縣志

卷首

舊序

三

欲著一乘以與斯民記此日之盛因得康熙十一年邑令劉
君嗣煦所修縣志一帙讀之其間紀載之體煩簡之宜去取
之方不能盡無遺議又距今已九十載其中所爲政治因革
戶籍登耗風俗人才之推移榮落皆將傳信傳疑放逸是懼
卽今不輯後更無考修廢舉墜非司牧之責而誰責歟先是
前任黃公文瑗乾隆二十三年嘗從事於斯未能卒業及是
予與闔邑紳士復申前議上之臺使者蒙報可愛諏吉開局
於柯公祠其經理度支採訪讐校諸紳士分任之而以學博
熊君鱣堂多暇足以互相考覈於是取前志之訛者正之遺

者補之煩者刪之而新者續之嚴筆削慎取與凡邑中因革山川城隍之形勝賦役生齒之殷繁學校風俗物產之盛美與夫忠孝節義經綸黼黻之文章無不分門類纂登載靡遺凡幾閱月而書成噫短綆汲深美錦學製於今三年矣士俗民風亦漸稔悉竊念棗之爲邑田土膏腴閭閻饒足便工商之業通物產之利洵屬邑之奧區也旣富方敷愛土心臧庠序外設立義學膏火有田堪資匱乏爲養固易爲教亦非甚難也官於斯與生於斯者攬取是篇相其緩急善其注措不徒以紀述典故視之則士也說禮樂而敦詩書民也安耕鑿棗陽縣志

卷首

舊序

四

而歌化日自足以長享

昇平之盛治於無窮似續先哲之聲光於不替矣是爲序

乾隆二十七年歲次壬午秋七月知棗陽縣事加二級紀錄
二次豫章甘定遇躍津氏書

舊序

自龍門蘭臺諸書而外如開元十道述元豐九域志張文規
吳興雜錄盛宏之荊州記皆郡邑志乘所由昉也夫志以辨
物土記風俗時代之因革山川之險固與夫財賦戶口之蕃
忠孝節義之著職制政令之措施或得或失一寓目而得焉
夫豈徒侈陳博雅爲一邑飾美云爾哉棗邑爲古春陵郡東
漢世祖龍興之地賢豪俊傑代不乏人其流風善政散見於
史冊傳聞於當代者非彙而輯之不足以昭示來茲邑舊無
志康熙戊申西蜀劉公嗣煦來尹於茲始謀興修其後甘公

棗陽縣志

卷首

舊序

五

定遇繼之始有刊本而疆域賦役人物藝文諸類尙多缺畧
至於今又垂百年矣遺事已屬不少况復遭逢兵燹其時忠
義之士以身許國殲軀捍患其功績更有不容聽其湮沒者
道光丁未前令熊君文鳳延隨州增生高福滂續修邑之文
生劉義衛瞻淇佐之歷吳君輝瑀楊君裕仁率以帛精不繼
中止咸豐元年辛亥秋子飭自鄖邑移茲土同寮紳耆皆曰
邑志之修已閱數載所以未就者意見各殊而貲財不遞耳
今百事俱舉捐輸恐後聯眾情使合一定信史以傳後在此
時矣飭素不諳史例而迫於公論因於署東建廳事五楹延

向之曾任編纂者聚處其中飭亦少參未議相與考訂閒以鄙意附爲論贊時值賊氛未靖軍需孔殷勸捐助餉四鄉奔馳載歷寒暑匆匆告竣竊懼其荒落實甚也將付棗梨爲贅數言俾知羽書旁午筆墨難詳十餘年未成之書得有定本所望後之大雅重加修飾而潤色之卽以此爲草創可也咸豐三年歲次癸丑小陽月知棗陽縣事山左陳子飭序

舊序

陳公子飭以名孝廉令楚北所歷之處政通人和百廢俱修諸大吏相視動色咸倚重之咸豐元年秋由鄖調棗公以爲欲善民風端在先崇聖教文廟其始基也棗邑文廟狹隘且將傾圮公乃捐廉集費構附近隙地更而新之其規模增曩制倍有蕤金碧交映輪奐生輝過而瞻仰者莫不感歎欷歔油然而動其欽慕之心爭先解囊以襄盛舉旣而慨然曰邑志一書尤關切要棗邑代有偉人志之中忠臣孝子節義貞廉以及文學之選武畧之尤卓卓可嘉者皆邑人之祖若宗先

棗陽縣志

卷首

舊序

七

達前輩也吾表而彰之其觀效之深不較之詩書所載史冊所陳爲尤易乎迺亟求古本率殘缺不全遂就柯聳袁奐諸人集本旁加採訪哀輯成書付之梨棗維時粵氛不靖擾及楚北凡棗之鄰邑蹂躪幾遍斯邑獨安堵無恐非盛德之感上理之化有以惠孚黎庶上動天和何以至於斯魯公宰中牟而蝗不入境韓文公居潮而鱷不爲災其殆是歟甲寅夏余來權是篆適公邑志告成出而示之因不辭譴陋而爲之敘咸豐四年歲次甲寅夏五月代理棗陽縣事北平王璐頓首拜撰

重修棗陽縣志姓氏

總修

同知用知棗陽縣 事張聲正

協修

棗陽縣 教諭劉名筠

署棗陽縣 訓導張開英

棗陽縣 典史任國璋

纂修

前掌京畿道監察御史知直隸廣平府事史策先

棗陽縣志

卷首

姓氏

總理局務

誥封 五品 韋華庭

候選 從九品 林長富

武舉 張朝柱

候選 從九品 陶上元

採訪兼叅校

廩生 靳燁

候選 教諭 平建章

候選 訓導 袁塿

候選訓導王協中

廩生周顯謨

候選訓導張世官

附貢生李崇文

廩生李長春

廩生夏德煥

鍾祥縣訓導楊承先

候選訓導賈愷鈞

庠生亢長青

秦陽縣志 卷首 姓氏 二

採訪兼繪圖

貢生楊守惠

協同採訪

松滋縣教諭孫第亨

候選鹽知事唐閔中

竹山縣訓導李彥成

候選教諭劉遇亨

拔貢生李逢哲

歲貢生謝兆蘭